




信社：西遊記第九回《沙僧拜師》

人物：悟空、唐僧、悟淨（沙僧）、八戒、觀音、小妖（四隻）、蜘蛛

	第一場：河邊
1. 說書人	（一直篤撐，直至說書人說完）唐僧、孫悟空同埋豬八戒師徒三人，正在前往取西經之路。而佢哋而家去到一個一望無際嘅河。
2. 悟空	（躍身一望）師傅！呢條河就咁望都有成百里闊喎！
3. 八戒	（篤撐）過嚟呢度睇吓啊，呢度有塊石碑。（撐）
4. 唐僧	（指住石碑）流沙河？（篤撐，走向背面看）（詩白） 八百流沙界 三千弱水深 鵝毛飄不起 蘆花定底沉。 （倒抽一口冷氣）要點算好呀？
	（篤*4+撐）（河中鑽出一個妖怪，然後妖怪撲向唐僧。）
5. 八戒	師傅我嚟保護你。（悟空拉走唐僧）
	（打戲，八戒揮著釘耙，與妖怪在河邊打了起來，半天仍不分勝負。悟空縱身一躍，舉起棒子朝妖怪打去。那妖怪揮杖一擋，震得雙臂發麻，然後跳入水底。） 
6. 唐僧	（悟空想追入水底）咪住，徒兒，我哋應該要制定一下計劃先。（篤查）
7. 悟空	師傅啊...（白攬） 睇佢一副古怪樣 就知佢係手下敗將 我金鋼棒一亮相

S23 S24	<p>佢就知我有幾強 有幾強</p> <p>我哋一於引佢出嚟，再打到佢走夾唔啱！</p>
	(妖怪偷偷從水中上嚟，捉走咗師傅，篤*n+撐)
8. 八戒	咁麻煩㗎，嗱嗱臨搵隻船過河啦。
9. 悟空	<p>哎咁咁，你隻懶豬呀，如果俾隻水妖襲擊點算呀？我又唔熟水性，你又咁渣，唔得唔得，師傅你話點算好呀？(轉頭，看不到師傅，篤撐)</p>
10. 八戒	師傅！師傅！啊！(撐)一定係隻妖怪捉走咗師傅啊！
11. 悟空	<p>豈有此理！點算好呀？點算好呀？(篤撐)喂！你唔係天蓬元帥嚟嘅咩！快啲講隻水妖嘅弱點出嚟啦！</p>
12. 八戒	<p>我管嘅係天上面嘅嘢，呢啲嘢我點鬼知啫！(想方法，篤*n+撐)啊！有辦法啦！我記得東海龍王有粒分水神珠，只要有咗佢...(篤*n)就可以分開條河喇！(撐)</p>
13. 悟空	<p>你知又唔早嚟！我而家就去搵佢。(孫悟空起行找東海龍王，豬八戒跟著牠，篤*n)啊！你...留喺度睇水啦！</p>

S25 not yet (Last yr)

	第二場：流沙河
14. 沙僧	哈哈哈哈！等咗咁耐，終於又可以食人啦！哈哈哈哈！
15. 唐僧	喃無阿彌陀佛。
16. 沙僧	有嘢快講！有屁快放！因為你嘅死期要到啦！哈哈哈哈！
17. 唐僧	<p>你咁樣做罪孽深重，奪取多條寶貴嘅生命。報應終有一日會降臨喺你身上，你想點處理我，悉隨尊便啦。(篤篤篤篤撐)</p>
18. 沙僧	<p>(面有難色)你估我想㗎？我唔係想食人架！只係被貶人間之後，冇辦法離開呢個湖覓食，食過人之後又返唔到轉頭。(篤撐)</p>

19. 唐僧	願聞其詳。
20. 沙僧	想當年…… (歌：梨渦淺笑) 和尚偷笑 因已知奧妙 老沙心痛莫明瞭 人間跌落 身飄渺被困擾 只因寶燈爛掉 曾經威過,係天宮打滾 但係不小心打破琉璃瓶 如今跌落這裡 被困擾 怎得控制心魔？
21. 唐僧	咁你想唔想改過啊？
22. 沙僧	你有辦法？
23. 唐僧	只要你一邊進行打坐，一邊念經，唸100次，就可以啦。
24. 小妖們	大人呀大人呀！咪鬼理佢啦，佢哋你嚟咋！你睇吓佢皮光肉滑，一定好好味啫！
25. 唐僧	跟住我嘅方法做，你一定可以戒咗食人嘅習慣。
26. 沙僧	你都係怕死先咁樣同我講啫！好，我就信你一次！
	(篤*n直至蜘蛛出沒，沙僧獨自在山洞念經，看見有黑又大的蜘蛛，撐。)
27. 沙僧	呀呀！（慌忙逃走，篤*n）你個臭和尚，竟然咁哋我，我頭先念經嗰陣，就係見到一隻又黑又大嘅蜘蛛啊！
28. 河童	大人啊，都話佢哋你嚟啦，一於煲定滾水，煮咗佢嚟食啦！
29. 唐僧	唸心經確實可以令你以後唔食人。
30. 唐僧	咁啦，如果喺打坐途中受到孽障嘅騷擾，就喺佢身上面寫個佛字啦！心中有佛，所見皆佛。

Sub (waiting) ctk
cook

31. 沙僧	(內心再次被動搖，篤撐) 好！我就信多你最後一次！
32. 沙僧	(篤*n直至蜘蛛出沒，沙僧走向山洞念經，蜘蛛卻又再出現，撐)
33. 河童	好啊好啊，有美味嘅人肉食啦
34. 唐僧	冇用？(思考中) 咁你而家揭開你件衫睇吓。
35. 沙僧	你個臭和尚又想玩咩啊！
36. 唐僧	你揭開件衫就自有分寸。
37. 沙僧	(篤*n直至發現佛字，揭開衣服，有「佛」字，撐) 吓！點解會咁㗎？我明明...
38. 唐僧	善哉善哉。你話上天愚弄，令你不斷食人，所以貧僧叫你念經，助你消除魔障，摒棄惡行。點知你又死不悔改，你所謂嘅蜘蛛其實就係你嘅心魔。
39. 沙僧	心魔？！
40. 唐僧	係你嘅內心呢緊你，話自己係被迫食人，其實由始到終，你都係想食人。(篤*4+撐)
41. 沙僧	點解會咁㗎？(跪低望觀眾) 我真心想改㗎！有可能！唔係真㗎！總有一日，我一定可以返上天宮！(望向唐僧) 你個臭和尚玩我！小妖們同我煮咗佢嚟食！
	(孫悟空和豬八戒透過分水神珠進入流沙河，小妖被河水捲走，沙僧拉住唐僧)
42. 悟空	(豬八戒跟着孫悟空進場) 好彩有分水神珠先落到嚟，原來你想捉咗師傅嚟食！睇我嘅！(孫悟空揮棒欲打向沙僧)
43. 唐僧	徒兒，且慢！

SD9

	(孫悟空和豬八戒合力攻勢沙僧)
44. 唐僧	悟空、悟能，佢已經有改過嘅念頭。(見孫悟空他們聽不見，而且沙僧也變得乏力，坐在樓梯上，開始念緊箍咒)
45. 悟空	(孫悟空頭痛，豬八戒見狀也停手) 好痛啊，停手呀師傅！啊！唔係，停口啊師傅！
	(說書人：觀音娘娘駕到！)
46. 觀音菩薩	(觀音菩薩到場) 事情嘅經過我都了解。沙悟淨，宜家我比兩個選擇你，一係就留係河入面一世，一係就同唐僧佢哋去取經。
47. 沙僧	(思考了一會兒，篤*n+撐，站起來) (白攬) 啱啱嘅事有怪莫怪 係我狹窄唔識世界 懇求師傅受徒兒一拜 以後我就任你指派 你指派 觀音娘娘，我決定摒棄食人嘅惡行，跟隨唐僧取經。
48. 觀音菩薩	我深信你喺取西經嘅途中，一定會戰勝到你嘅心魔！(篤*n+撐*n，脫下沙僧頸上的骷髏鏈，將自己的葫蘆鏈掛在沙僧頸上)
49. 唐僧	悟淨，從今以後，你就跟隨我啦。
50. 悟空	(看着豬八戒說) 哈哈，又多個師弟俾我恰喇！(篤撐)
51. 八戒	(看着孫悟空說) 我終於係師兄啦！(篤撐)
52. 沙僧	觀音菩薩多謝你嘅恩惠！
53. 唐僧	我哋四師徒齊心上路取經啦。

SD 10 Mit